



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 51. Joannes Antiochenus citatur.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.

A. C. 431.

p. 638.

Acacius Melitenensis dixit: *Utilitate caruisset accusatio, etsi vera fuisset, atque Sanctorum Episcoporum Cyrilli, & Memnonis petitum superfluum est, non enim illis, qui se a sancto Concilio separaverant, ut se Nestorio jungerent, cum ipsi met tanti criminis rei essent, quidquam agere, contra Concilii œcumenici Præsides licebat.* Quia autem vobis visum, eos judicio persequi, Joannes Antiochenus, hujus Schismatis Auctor per pios Episcopos Archelaum, Paulum, & Petrum citabitur, ut, rationem facti sui redditurus, veniat. Tres illi Episcopi, nempe Archelaus Myndensis in Caria, Paulus Lampensis ex Creta, & Petrus Castorum ex Palæstina eum vocatum abierunt. Ubi rediere, Firmus Cæsariensis ex Capadocia rogavit, ut, quid actum esset, referrent.

## §. LI.

*Joannes Antiochenus citatus.*

p. 639.

Episcopus Paulus dixit: *Cum Domini Reverendissimi Joannis Antiocheni appropinquavimus, vidimus multos milites, aliosque viros, arma gestantes, & custodientes portam. Aliquantum propius ægre admissi, diximus: Tres, nec plures, viri sumus, a sancto Concilio missi, Reverendissimo Episcopo Joanni verba pacis in causa Ecclesiastica afferimus.* *Mox magna*

magna hominum turba nos circumdedit, Sæculum V.  
A.C. 431.  
 & inter varios sermones indigna in sa-  
 crum Concilium, & fidem Orthodoxam  
 audivimus; verum hæc dicta ob tumultus  
 insolentiam exacte referre non possumus.  
 Episcopus Archelaus dixit: Magnum tu-  
 multum tulimus, & ferme periclitaba-  
 mur. Milites evaginare gladios, & sa-  
 xa minaciter tollere cæperunt. Episco-  
 pus Petrus addidit: Aderant non nulli  
 Joannis Clerici, quibus diximus, a Con-  
 cilio nos missos; sed nemo fuit, qui nos  
 reciperet.

S. Cyrillus dixit: Videtis, Patres!  
 Memnonem, & me hic esse præsentem, quia  
 nobis nullius culpæ conscius sumus; econ-  
 tra Nestorii Hæretici, & Joannis, De-  
 fensoris ejus, domos milites stipant, quia  
 ad Concilium venire horrent. Jubete igitur,  
 sententiam, contra nos latam, nul-  
 lam declarari, & contra Joannem, quod  
 videbitur, statuere! Juvenalis Jerosoly-  
 mitanus dixit: Peccavit Episcopus Joan-  
 nes, quod Sedem Apostolicam Romanam,  
 quæ hic præsens est, atque Sedem Jeroso-  
 lymitanam, quæ secundum Traditionem  
 Apostolicam Sedem Antiochenam corri-  
 gere, & judicare solet, contempserit; ve-  
 rum tamen, ut Canones ad amissam obser-  
 vemus, mittamus rursus Episcopos, qui  
 eum secundo vocent. Tres rursus Episco-  
 pi missi, Timotheus Thermesenus, &  
 Eudo-

Sæculum V. Eudociadenus, Eustachius Docimionensis, & Eudoxius Chomatenus ex Lycia.

A. C. 431.

Concilium  
Ephesinum.

p. 643.

Ubi redierunt, Eudoxius dixit: *Ad Aedes Joannis pervenientes, invenimus circumstantes milites, evaginato gladio tenentes, & quosdam Clericos, quos rogavimus, ut adventum nostrum denuntiarent. Intrarunt, rursusque egressi sunt, dicentes: Joannes Episcopus dicit, non esse sibi, quod respondeat hominibus depositis, & excommunicatis. Interrogavimus: a quo ergo depositi, & excommunicati fuisset; responderunt: ab Episcopo Joanne; & instantibus nobis, ut plura audiremus, dixerunt: Si vultis, id factum fuisse coram Notario affirmabimus.*

Rursus S. Cyrillus petere, ut Joannis Judicium declararetur nullum, & ut tertio citaretur. Memnon idem postulavit; tum Concilium Joannis sententiam, nullam esse, pronuntiavit, cum, ut eam defenderet, comparere non esset ausus;

p. 646.

jussit, ut, quæ ea die gesta fuissent, ad Imperatorem referrentur, & Joannes tertio ad Judicium vocaretur.

Conc. Ephes.  
p. 649.

Sessio quinta, die sequenti, decimo sexto Kalendas Augusti, nempe decimo septimo Julii, in Ecclesia S. Mariæ, celebrata. S. Cyrillus, quæ die præcedenti acta fuissent, memoravit, & addidit, Joannem, & Sectatores ejus rem pudendam, & triviali plebe dignam fecisse;

*Quippe*

Quippe, inquit: cum Concilio se sistere Sæculum V.  
 tenerentur, ut modestia Christiana cau- A. C. 431.  
 sam suam dicerent; non enim nostrum  
 Concilium, velut eorum, ædes, milites ar-  
 mati circumstant, libellum, quem insolentia,  
 & ignorantia dictavit, conscripsere,  
 eum publice in Theatro affixerunt, ut  
 totam Civitatem ad Seditionem commo- Epist. ad  
 verent. Si in eum finem hoc fecerunt, Cælest. p. 464  
 ut nos affligerent, Fratribus nostris ho-  
 norem detraberent, & efficerent, ut inno-  
 centes ab omni hominum genere derideren-  
 tur, profecto multum est, quod eis gratu-  
 lemur; vicerunt! Si vero, ut libellus  
 prodit, demonstrare volunt, nos Hære-  
 sin Apollinaris defendere, veniant modo,  
 & nos convincant, si possunt, & ab inju-  
 riis temperent! nos, inquam; nunquam  
 opiniones Apollinaris, Arii, aut Eunomii  
 approbavimus; sed ab unguiculis sacras  
 litteras edocti fuimus, atque ante faciem  
 Patrum Orthodoxorum enutriti. Ana-  
 thematizamus Apollinarem, Arium, Eu-  
 nomium, Macedonium, Sabellium, Photi-  
 num, Paulum, Manichæos, & omnes alios  
 Hæreticos, & præterea Nestorium, no-  
 varum blasphemiarum auctorem, omnes  
 eos, qui in ipsius Communione, & fide vi-  
 vunt, eosque, qui Celestii, & Pelagii opi-  
 niones tenent. Rogamus Concilium, ut  
 Joannem Antiochenum, & omnes hujus  
 calumniæ complices venire jubeant, ut vel  
 pro-

Sæculum V.

A.C. 431.

*proben hic coram omnibus, nos hæreticos, vel ipsi condemnentur, propter illam præprimis proterviam, quod, ut libellus infamis fert, banc recoctam calumniam ad aures Imperatoris deferre ausi fuerint.*

p. 650.

Concilium selegit tres Episcopos, Danielem Colonensem, Commodum Tripolitanum in Lydia, Timotheum Germanensem ex Hellesponto, adjuncto Notario, cui nomen Musoneus, hi ferebant citationem scriptam, qua Joannes Antiochenus vocabatur; jam tunc in eo scripto eidem functiones Episcopales interdicebantur, & indicabatur, nisi tertie citationi obediret, sententiam secundum Canones ferendam. Ubi redierunt, Episcopus Daniel dixit: *Cum Domum Episcopi Joannis adissemus, equis intervallo satis longo descendimus, & Clericis ipsius mansuete diximus, nos a sancto Concilio missos advenire; incidimus in Presbyterum Asphalum, de Ecclesia Antiochena, qui hujus Ecclesie causas Constantinopoli curat. Is propius Domum nos deducens, comitabatur, eosque, qui in nos invehebantur, arcebat. Militibus quoque Beneficium debemus, cum enim ipsis bene notus esset Commodus Episcopus, in cujus civitate diversoria habent, Clericorum in nos insultus cobibuerunt. Postquam Asphalus, alique Clerici Nestorio adventum nostrum indicarunt, Archidia-*  
*conus*

Sessio quarta, &amp; quinta.

conus ejus ad nos descendit; nescimus nomen ejus, sed homo est exiguae staturae, pallido vultu, & tenui barba. Manu tenebat chartam, quam nobis offerebat, dicens: Sacrum Concilium hoc ad vos mittit, ut accipiatis. Diximus: missi sumus, ut ea, quae sanctum Concilium nobis mandavit, indicemus, non vero, ut chartas accipiamus. Concilium Dominum Joannem invitat, ut veniat, & cum Patribus confideat. Archidiaconus respondit: ergo expectate, donec id ad Episcopum detulero; ivit, & reversus, eandem chartam obtulit, dicens: nihil nobis mittere, nec nos quidquam vobis mittimus, Imperatoris sententiam expectamus. Diximus: Audi igitur, quod Concilium mandat! sed cito abiit, dicens; chartam meam non accepistis, nec ego, quid Concilium dicat, audio. Alii duo Episcopi confirmarunt, haec a Daniele vere fuisse relata.

## §. LII.

*Sententia in Joannem Antiochenum lata.*

Concilium dixit: Haec citatio sufficit, nulla Episcopo Joanni superest excusatio, nec rei ignorantiam potest obtinere. S. Cyrillus dixit: Ecce me hodieque praesentem cum Episcopo Memnone! paratum defensionem Episcopi Joannis  
*Hist. Eccl. Tom. VI.      audi*

Saeculum V.  
 A.C. 431.

p. 651.